

Vuk'uzenzele



Produced by Government Communications (GCIS)

English/Xitsonga

| Khotavuxika 2019 Nkandziyiso I



The people's President



ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za

www.vukuzenzele.gov.za

Email: vukuzenzele@gcis.gov.za

Tel: (+27) 12 473 0353

FREE COPY

Presidential Inauguration Special Edition

Pfhumba ra YES ri nyika vantshwa timpapa to haha

Vukorhokeri byo Thola Vantshwa (YES) byi kongomisiwe eka ku nyika miliyoni yin'we ya vantshwa lava nga tirheki mitokoto ya ntirho leyi hakelaka eka nkarhi wa malembe manharhu.

Tanihi mianakanyo leyi teke na Phuresidente Cyril Ramaphosa, nongonoko wu kongomise eka ku lulamisela ku thoriwa ka vantshwa no va nyika swikili swa xithekiniki leswi lavekaka ku seketela ku tirhisiwa ka thekinoloji eka vumaki bya ku hlukisa ka ikhonomi.

YES yi tlhela yi va pfhumba ra nhlanguano ra mfumo, vatirhi na mabindzu ku vona leswaku vanhu lavantshwa va le Afrika-Dzonga va lulamerile eka sekithara yo thola.

Ku fikela sweswi, pfhumba ra YES ri swi kotile ku tumbuluxa 17 000 wa swivandlanene swa mitirho eka vantshwa lava nga tirheki.

Loko u ri munhu lontshwa, naswona u tsakela ku va na xiave xa pfhumba ra YES, laha ku na leswi u faneleke ku swi tiva.

Hiswihi swipimelo swo pfumelela vantshwa ku va na xiave xa nongonoko wa YES?

Muntshwa wa YES u fanele a va:

- Muntima hi ku ya hi nhlamuselo ya BEE.
- Exikarhi ka malembe ya 18 na 34 (tanihilaha ku nga nhlamuselo ya muntshwa); no va muakatiko wa Afrika-Dzonga.
- Nongonoko wa YES a hi wa vanhu lavantshwa lava lavaka ku cinca mitirho, kambe i wa vantshwa lava eka nkarhi wa sweswi va nga tirheki.



Hiyihhi mithwaso leyi lavekaka ku va na xiave xa pfhumba ra YES? Xana munhu loyi a nga hava mithwaso ya le yunivesiti a nga titsarisela ke?

YES yi kongomisiwe eka vantshwa va vantima hinkwavo lava nga tirheki lava nga exikarhi ka malembe ya 18 ku fikela eka 34 hi vukhale ku nga langutisiwi xiyimo xa dyondzo leyi va yi fikeleleke.

Xana ya swi kota ku pfuna vantshwa lava tshamaka eka tindhawu ta le matikoxikaya ke?

YES yi kongomisiwe eka vantshwa va Mafrika-Dzonga va vantima hinkwavo lava nga tirheki

kun'wana na kun'wana laha va tshamaka kona etikweni.

Xana YES ya nyika Mihlangano leyi nga riki ya mfumo na mabindzu lamatsongo swivandlanene swa mpfuneto hi swa timali, ndhawu ya tihofisi na/kumbe switirhi ke?

Muxaka wa nseketelo lowu YES yi wu nyikaka eka mabindzu na mihlangano leyi nga riki ya mfumo a hi wa swa timali hi ku tirhisa nhluvukiso wa vuswikoti xikan'we no thola vanhu lavantshwa eka mabindzu ya vona tanihi xipfuno. Yo biha ya kona, a hi swi koti ku nyika mpfuneto hi swa timali, ndhawu ya tihofisi, switirhi kumbe ku tihlanganisa na vanhu lava nga na xiave van'wana.

Xana YES yi pfuneta vini va mabindzu lava ya ha hlukaka ya lavantshwa hi ndlela yihi? Xana ma nyika mpfuneto hi swa timali ke?

Yo biha ya kona, YES a yi nyiki nseketelo hi swa tima-

li eka vinyi va mabindzu lava ya ha hlukaka ya vantshwa. Hambiswiritano, hi nga pfuneta mabindzu lamatsongo (tiSMME) hi ku va nyika vantshwa lava nga na vutumbuluxi.

Ndzi na bindzu leritsongo, naswona ndzi lava ku teka vantshwa va YES, kambe a ndzi nge swikoti ku va hakela. Xana ndzi nga nghenelela njhani eka YES?

Ku tekiwa ka vantshwa hi mabindzu loku seketeriweke hi swa timali i xiphemu xa nongonoko wa YES. Mabindzu lava ya fikelelaka swilaveko swa wona swa YES ya nga hlawula ku teka vantshwa eka mabindzu ya vona kumbe eka bindzu ra SMME hi ku tirhisa nongonoko wa ku tekiwa ka vantshwa hi mabindzu lowu seketeriweke hi swa timali handle ko hakela. Munhu lontshwa u ta tirha eka bindzu leri n'wi tekeke eka nkarhi wa tin'hweti ta 12, naswona u ta hakeriwa hi khampani leyi seketelaka hi swa timali.

Xana ndzi nga hlawula vantshwa lava ndzi lavaka ku va teka ke?

Ina, u nga swi endla. Hi ta tirhisa na wena ku hlawula munhu loyi a faneleke eka nhlanguano wa wena.

Xana vantshwa van'we va nga seketeriwa hi swa timali ku tlula lembe rin'we ke?

E-e, Vantshwa va YES va seketeriwa hi swa timali nkarhi wo ringana lembe rin'we. Loko u ehleketa ku titholela Vantshwa va YES endzhaku ka lembe, u ta va na vutihlamuleri byo hakela miholo ya vona.

Ndzi ti tsariserile. Xana swivandlanene swo nghenisiwa entirhweni swi ta sungula rini?

Sweswi hi le ka phuroseso yo tumbuluxa swivandlanene swa mitirho leyi ku nga phuroseso yo tika no leha.

Hambiswiritano, ntlawa wa hina wu tirha hi nkhi-nkhi ku fikelela matimba lava hi nyikiweke wona yo tumbuluxa swivandlanene swa mitirho ya miliyoni yin'we swa vantshwa lava nga tirheki va Afrika-Dzonga. Loko se hi ta va hi tumbuluxe mitokoto yoleyo, kutani hi ta sungula va teka. Loko u titsariserele, hi ta tihlanganisa na wena. **■**

Xana ndzi titsarisela njhani ku va Muntshwa wa YES?

U komberiwa ku nghe-na eka webusayiti ya hina: www.yes4youth.co.za/youth-registration laha u nga titsariselaka tanihi Muntshwa wa YES.